



忠督奏議 卷五



總督奏議卷之五目錄

到任日期疏

進取貴州疏

備陳末議疏

飛報逃兵疏

異常水災疏

軍需起運疏

預計前途疏

黔省初闢疏

征兵雲集疏

災出異常疏

敬陳管見疏

逃兵就撫疏

總督奏議卷之五

到任日期疏

欽命總督湖廣等處地方軍務兼理糧餉太子太保  
兵部尚書兼都察院右副都御史加一級在任守

制臣李蔭祖謹

題爲恭報到任日期仰謝

天恩事臣欽奉

簡命移督全楚於十二月初二日抵武昌府接印受  
事卽於臣署恭設香案望

闕謝

恩到任訖惟是備覽楚地。山川形勝。實當南北要衝。雖

鼎奠十有四載而蜀粵寇氛猶然猖獗鄰楚累歲勤兵凋殘未起臣以綿力膺茲重寄除用兵之地一切戰守機宜悉心調度外至於地方利病苟有裕國便民者臣自殫力圖維以仰副

皇上又安南服至意此微臣少盡駑駘之職分也所荷到任日期臣謹具

題伏乞

睿鑒施行

順治拾肆年拾貳月

日題奉

旨覽卿奏到任日期知道了該部知道

進取貴州疏

題爲進取貴州大兵糧餉楚蜀粵西撥發起解已  
奉

嚴旨必須實計運到行間臣謹請

旨以便欽遵奉行事准戶部咨該經略洪承疇題前  
事等因奉

旨該部速議具奏欽此密封到部該臣等看得經略  
洪承疇疏稱自楚粵轉運至大兵行營處所尤必  
節節責成臣移咨湖廣督臣移駐常德督理糧運

湖廣撫臣在省協助、委官催解銀兩、赴大兵營前、及偏沅撫臣各該道府買糧、催船所需等項、令湖廣糧道移駐常德、同辰常道府轉運、糧道、偏沅撫臣於沅靖採買接運、及委官設法運赴貴州、以供各項官兵通融支給、其各省協濟廣西銀米、應聽湖廣撫臣催解至長沙衡州、令長沙道及駐衡州廣西督運道俱轉解廣西撫臣聽解、大兵行營處所、並分解兩廣督臣於梧州備辦、又臣軍前官兵銀米、亦必湖廣撫臣差催分頭轉解等因前來、查進滇黔大兵官兵馬匹需用錢糧米豆草束、臣部撥發餉銀一百九十四萬兩、星夜解交該督撫買辦米豆草束以濟軍需、題奉

旨行文在案、續據湖廣總督李蔭祖題請征南將軍趙布太進廣西在武昌喂馬需用糧草等因、臣部又撥發銀二十五萬兩前去、二項共撥銀二百一十九萬兩、查湖廣廣西滿洲官兵、並經略所統官兵馬匹、約算一月需二十一萬六千餘兩、駐牧兩月、合算共銀四十三萬二千餘兩、除此外、餘剩

銀一百七十五萬八千兩。至於設法轉運，關係軍需重大。應如經略輔臣所議，合請六十餘萬兩。

嚴勅各該督撫布政司道府等官，應督催者作速督催，應轉運者作速轉運，應辦買者務期力行備辦，毋悞支用。其未解協餉，星夜作速解交，以資接濟。如經管各官遲悞，該督撫卽指名題參，以憑從重治罪。該督撫不力行催解，聽經略輔臣指名題參，一併議處可也。等因奉

旨，依議。嚴速行欽遵。到部備咨前來。該臣看得糧料

一項，乃兵馬日所必需。當茲進勦大舉，孰敢泛視俱辦。但行營與駐牧不同。運道有險夷不等。未可執一而論。臣於今年正月，接准經略輔臣洪承疇移行轉運辰沅糧料一咨，卽思師行糧從，自不可少。獨行營料豆馬匹衆多，日需數千石。計現在之辰舡船一運，不足以供三日之用。察由常抵辰，灘高河窄，逆流迅激，二旬不能轉一運。若自辰至沅，水勢更險，非他處之船可以通行。且辰船無多，催覓無措。沅州以上，又有陸路負擔倍難。卽運給大



兵口糧以爲至艱若並運料豆勢必兼悞計春夏  
草肥馬匹俱係久喂臆壯無容加料其中情狀非  
文移可以盡述臣於二月終赴常曾與輔臣面議  
雖輔臣老於用兵似未悉楚黔運道艱險亦云前  
疏冗迫未計及此臣伏思事勢可行勞民之力有  
濟於兵亦何憚而不爲如徒損民力無濟於兵糜  
費

朝廷金錢誰敢阿意順從此在常面決不能運行營  
料豆也再以臣移駐常德督理糧運切常荆皆臣

屬地臣亦何難移駐但臣在常止足辦糧運一事  
而在荆並可料理防隘諸事如謂行營糧米爲重  
臣前在常已支給衆兵十日口糧俱負駝起行隨  
撥舩船一百隻辰船三十隻共載米三千石委官  
押運護送預備辰糧十日沅糧十日又委糧道在  
常源源輓運似前進之兵可無中斷之虞續閱日  
來塘報大將軍至辰賊卽霄遁遺有積儲可充接  
濟且我兵所至彼皆望風披靡近已過沅抵貴仰  
切後后卽無饋餉採買亦易因糧於敵將來饋餉

似可少省。至若荊州爲楚西要地。前報郝劉党李諸賊傳號合營。其狡謀叵測。近遠安縣洪恩百寶鷹兒諸砦。俱報賊警。雖未見大蠢動。然亦不可不爲之備也。兼

王師駐牧荆澧。兵馬雲集。供億浩繁。臣朝夕辦理。寢食不遑。尙恐遲悞。倘離荆赴常。則目下軍需必致貽悞。而

王師行後。諸逆未免有乘虛窺伺之虞。故揆荆常之衝險。較軍需之緩急。是臣之在荆。不可須臾離也。今行營不能運料。臣身不能離荆。臣前與經略輔臣面言諄切。咨覆再四。輔臣雖悟悉其情。但拜疏在。先部覆已下。臣不得不備述原委。具疏

上聞。以乞寬前此兩地異同之咎也。除臣覆經略及經略覆臣前後咨文抄錄移送內院。並計部查核外。臣謹具題伏乞

睿鑒。

勅部議覆施行。

順治拾伍年肆月

日題奉

旨該部議奏

陳時辦運

孤

備陳末議疏

題爲備陳末議以助輓運事據糧儲道趙廷臣詳奉臣批據辰常總兵楊遇明呈前事詞稱竊照滿漢大兵征取雲貴最要者運糧一事輓運不及關係非小本職每見運糧辰船經過辰河每船頭舵水手止有五名其緯篋多屬細小人力不足所用緯篋又不多備沿途稽遲必由此也辰河灘高水溜拽船上灘全憑人力每船一隻必得熟識頭舵二名水手六名方稱足用如舫船裝米十五石水

手四名、以五十石之船計之、當得十名、則八名猶減其二、其緊要者、必須上號緯簾、雖有人力而少、緯簾亦非完策、當預備兩合、辰船裝米五十石、不爲輕載、若不多備、上灘之時、萬一中斷、人力雖多、又何益焉、大約堅固緯簾、一合可以輓運、二回細小者、一合尚不足一運之用、想催工打造、同是一費、與其細不堪牽輓、寧令其堅緻牢實、以免疎失之虞、又須請官督造、倘緯簾仍不堅固、以致貽悞、責有攸歸、如此而後輓運可無慮矣、再有計者、大

兵若由沅州直上鎮遠等處、沅州鎮兵赴守原汛、是大兵遠去、而運船愈遠、辰船舫船、若仍照運數、於辰常河下運至行營支放、不特船大難行、恐日遠途長、不無遲悞、本職竊思辰溪縣地方頗平、上听便易、查該縣遺有倉房、或係里役修葺者、卽令該縣責成、里役再行修整、仍將辰船舫船兩接分運、辰船運至辰溪、舫船轉運沅州、如遇舫船空回、卽兌船盤過、如舫船未回、搬貯倉內、俟船一到、另行盤運、其辰船到縣、旋到旋盤、盤完發回再運、不

使稍延時刻、但起運之米、非久囤在倉、似可不必多修、以省費用、第恐盤米人夫不足、未免稍遲、須量催人夫、添助幫盤、其所費總在該縣酌量設法、另行開報、此乃本職管見、不得不備悉瑣陳也、仰祈憲裁酌奪、等因、奉此、仰督糧道會同湖北道裁酌議妥速報奉、此該本道會看得辰沅河道、灘高水險、一切轉運、辰船加添熟識頭舵水手、製造堅固緯簾、該鎮之議、所當亟行者、但每辰船一隻、原止頭舵水手五名、今若再加三名、又多增工食銀

六兩、辰船增人、則舫船必告比例、舫船亦必量加水手一名、又增工食銀二兩、計現今辰船二百二十隻、除原船水手工食外、每運糧一回、外增水手六百六十名、約加費銀一千三百二十兩、舫船二百隻、除原船水手工食外、每運糧一回、又外增水手二百名、約加費銀四百兩、每船原有緯簾一條、今每回再添一條、每條價銀九錢一兩不等、其辰船舫船四百二十隻、每回約又加費銀四百兩、大約添募水手、與加增緯簾、每回必得銀二千餘兩、

且催募維艱。水手增價。篋匠有限。打造不及。今該鎮深知水手絳篋。必宜加增。則是誠催募打造之不容緩也。但事關錢糧。必奉本部院批允動支。將來可望開銷。查辰船頭舵水手。先蒙經略閣部題有定例。今陡增銀兩如許。銷算之日。恐蒙部駁。必請本部院先賜

題明可也。至建倉貯糧。膳船濟用。猶屬要務。惟是辰溪一縣。地方初闢。而出入倉口。僱夫搬運。恐竭一縣之力。難荷煩重之任。合無將府倉縣倉。一併修葺。分行料理。用濟急需。以免偏累。可也。等因。具詳到臣。該臣看得開復雲貴。路險途長。辰沅運道。灘高河窄。輓解艱險之狀。臣於行營。不能運料一疏。業已

題明在案。惟是糧米計口授食。豈敢以途險而少緩。前臣會集該司道設法僭運。屢經檄催。務期源源輓濟。今鎮臣楊遇明呈議。加製絳篋。添募水手。誠爲要着。臣雖未身履其地。然往來荆常。目擊荆江水勢。急於漢江。而常德水性。又急於荆流。由辰至

沉陸則崇崖峻嶺。水則建旣懸溜。辰船每載五十石。抵辰溪而止。更換舫船。每載十五石。輓拽至沅。是辰船一運。舫船幾三運餘矣。案查先日經略洪承疇

題設頭舵水手之數。維時止於常河往來。未歷辰沅險道。差可足用。今數十萬大兵之糧。全由辰沅運濟。倘人力不足。則逆水難前。未免濡滯。如簞纜不堅。萬一中斷。則听石嗟峨。必歸河伯。是惜一簞之費。罔計數十石之糧。其得失自較然也。臣愚意辰

船每隻量添水手二名。舫船每隻加水手一名。各加緯簞一條。庶足利濟。切思經略沅撫與臣未有不仰體

國用。極力節省。然非軍需急用。不敢擅動分毫。如款項之所未載。何敢率意輕

請。總係進取大舉。首在糧運。無缺不特

請增。簞纜水手。且篙槳蓬桅。不時俱要添換。種種需費不貲。不得不具疏

題明。以便會同經撫諸臣。酌於正項動用。至於糧米

到辰必換船至沅、河愈狹則水愈急。必得小船拽  
至鎮遠、若辰沅無倉廩囤貯、船不接應、必致盤運  
稽遲、何以按時往還、奈辰沅俱係新復地方、修建  
倉廩、難盡責之民力、臣於辰沅二地、每處發銀一  
千五百兩、責令該道府立時興作、兼備催夫挑運  
之價、完日具數報銷、一省回空之耽延、一免在船  
之蒸腐、有裨於軍儲者、匪淺鮮矣、臣謹具疏題  
請、伏乞

皇上勅部議覆施行、

順治拾伍年伍月

日題奉

旨該部議奏



飛報逃兵疏

題爲飛報逃兵情形事據分巡湖南道陳正中詳稱本年五月十二日據益陽縣報竊照逃兵原日尚遠卑職未敢輕報今於初九日午時接烟溪坐撥李把總塘報內稱有逃兵千餘人大旗十七杆在烟溪對河擺隊望益陽而下中有益鎮出師之兵甚多咸云要等齊撲搶益陽等語內中情形甚是急迫察益陽城內雖留守城池兵一千有分散在外安塘者約有七八百名在城兵丁不滿三百

名倘若有事必不能爲敵卑職晝夜憂思計無可  
施今逃兵勢衆情形急迫實難緩待只得密爲飛  
報本道懇乞速賜移會長協發兵二三百前來益  
陽堵截防守方有實濟不然則旦夕之危不可測  
矣同日准益陽鎮遊擊麻世官報本月初九日據  
千總王士秀報初六日午時有逃兵百十餘人在  
本塘對河北岍放槍初七日酉時有逃兵一百五  
十餘人在昆溪浮水過河拿小船十隻截客船五  
隻竟行下流等情到職據此爲照益陽留營官兵

多有山防在外存城者不足三百今逃兵聚集將  
有二千餘人有窺伺益陽之舉但益陽城垣高不  
滿丈寬不過尺雖今現在修立木城工尚未竣猶  
恐逃兵詭計入犯叵測然而城務重大當爲未雨  
綢繆隨會廳縣公同商議事從緩急莫若將三堂  
烟溪橋口三處防守官兵調回防護城池實爲急  
着也事干逃兵擬合移會請賜方略以保無虞更  
乞裁奪轉報并移長沙協行飭安化官兵加意隄  
防幸勿少緩等因到道該本道看得逃兵情形節

經塘報在案至安化一縣附近常德澁浦新化等縣小徑必爲逃兵聚穴是以本道會長協副將韓孟之除安化先有防兵二百名外又會發長協營兵及本道標兵共二百名前去安化捷徑接應防勦又移益陽鎮遊擊麻世官發兵由東坪小道截會聯絡務圖撲勦今據益陽塘報勢重漸逼縣境城守堪虞今長沙苦無兵丁調遣逃兵萬一橫撲城邊實無禦敵之恃事在危迫不敢不激切請兵伏乞本部院俯念地方重務急賜調度必將岳州

常德並龍陽水師就近各撥官兵數百員名星夜馳抵益陽安化地方合兵進勦若候省城發兵路途遙遠緩不濟急且官兵疲於奔走何能禦敵逃兵放肆月餘本道惟圖設法撲勦未敢輕易請兵今勢迫危急城守有旦夕之憂只得冒昧呈請懇乞迅速施行據此同日又據該道報稱探得逃兵一夥由苗田觀一路搶殺職發把總萬逢太等領兵前去撲殺又探得烏雲界逃兵哨聚二三千離安化僅百餘里勢甚猖獗等情到臣該臣看得用

兵原以衛民。非以厲民。湖南各地。草竊未靖。兼值  
滇黔久陷化外。是

朝廷用兵。甚非得已。在各兵將。自應捐糜頂踵。以圖  
報稱。今自大兵前進之後。節據鎮道塘報。各營逃  
兵。絡繹不絕。殺擄橫行。各處所設塘兵。寡不敵衆。  
一經追趕。不惟不能擒縛。且併其防守將卒。俱遭  
屠戮。切思湖南經制官兵。及經略各標。計隨經略  
與偏撫進勦者。共二萬七千餘員名。臣彼時接准  
經畧咨會。卽慮大兵前進。地方空虛。逆賊與逃卒

無所忌憚。故屢經移商輔臣。留兵守汛。足以安內  
防外。今師行未久。逃兵猖獗。動至數千。實爲可虞。  
在各協將道標。留汛看營兵丁。爲數無幾。何能抵  
敵。臣欲發兵以勦。附近無多兵可調。如自省發兵。  
又慮鞭長不及。計必得宿將坐鎮常寶。則益陽新  
化。近在指顧。逃兵自望影而却步。除一面檄行常  
寶。衡長岳各道協。嚴加防堵。并劄行提督柯永盛。  
調本標兵一千六百名。該提督親統。速赴湖南。彈  
壓。其原帶駐襄兵丁。全帶以往。又慮襄陽空虛。令

續督奏言 卷之五 七  
量帶五六百名。其餘俱取足於留駐武昌之標兵。襄陽有治臣可以坐鎮。卽大兵起行後。臣往來荊州。可爲聲援。提臣節制全省。湖南兵將。皆可調遣。與他將不同。此亦移緩就急之着也。但兵將不能用力疆場。反脫營逃伍。自當勦斬以信法紀。念湖南處於久亂之地。申令必勦。則數千無歸之衆。必倖旦夕之生。拚死爲敵。是毆之爲賊也。伏乞皇慈許以自新。投出者免罪。或收別伍。或令歸農。若負惡不悛。沿途搶擄者。殺無赦。仍請

嚴勅行間諸將。嚴束兵丁。勿得任其逃逸。則散一逃兵。實散一賊孽。庶新附之子遺。早見太平之盛矣。

臣謹密疏題

知伏乞

鑒宥施行。

順治拾伍年伍月

日題奉

旨兵部速議具奏

異常水災疏

題爲恭報異常水災情形仰祈

睿鑒事竊照楚地素稱澤國。田地污下。歲或多雨。卽有淹沒之患。年來楚民不造。兵燹之後。疊罹凶祲。非苦於旱。則苦於澇。雖蒙

皇恩蠲恤。然元氣虛耗。殆將盡矣。詎意今歲安荆一帶。又值霖雨連綿。襄流泛漲。衝溢之患。尤數十年所未見者。臣於五月內。因料理軍需。事竣回省。舟過江陵。併安屬潛沔荆景所屬近河之地。兩岍數

百里一望浩渺。有堤者水浮堤面。無堤者地水不分。桑田竟成滄海。市井變爲洿池。魚遊屋中。萍依梁上。一二災民。形同浮蟻。顛連之狀。怨咨之聲。不忍聞見。念二麥已熟而漂沒。新秧方插而水漫。如此渚水無歸。歲難望其消耗。三時絕望。仰俯何資。嗟此子遺。頻年供億大兵。今歲軍需浩繁。業已膏盡髓枯。更罹異常水患。救死無策。若不多方蠲救。勢必展轉溝壑。流離四方。民命靡存。正賦何出。節據各屬文報。除淹沒分數。被災姓名。批行藩司。確

勘核實。另冊送部。併查節年存貯積穀。酌量賑濟。外。臣謹具疏題

報。伏乞

睿鑒施行。

順治拾伍年陸月

日題奉

旨該部知道

軍需起運疏

題為軍需起運難緩催募脚價浩繁仰祈憲鑒急賜

題明事據糧儲道趙廷臣呈稱竊照大兵進取雲貴一切應支月米奉有轉運分給不得遲悞嚴行在案夫轉運僅有舡船二百隻辰船二百五十隻以雲集之征兵需糧不貲兩幫辰船舡船不足接濟勢必添募民船源源起解案查募船水脚蒙前任總督祖部院具



題爲湖南征兵雲集糧糈轉運維艱等事疏內開載  
自常至辰計程三百六十里中有梁華四十八座  
路多灘險每石量議水脚銀三錢食米四升自辰  
至沅計程六百里中有六十七灘每石原議水脚  
銀五錢食米九升自辰至洪江計程三百六十里  
五十九灘每石原議水脚銀四錢食米六升自洪  
江至靖州由陸路計程一百八十里每石需夫二  
名挑運量議脚價銀四錢八分食米九升部覆奉  
旨欽遵在案但維時止議及於辰沅洪江靖州尚未

議及鎮遠耳目今貴州已闢大兵雲集貴陽以鎮  
遠爲陸路之門戶沅州以鎮遠爲水路之窰境由  
沅運至鎮遠計程亦約六百里較由常運辰由辰  
運沅地愈高而灘愈險河愈窄而水愈急輓運益  
艱水手益苦每石量議水脚銀五錢五分食米一  
斗與由辰運沅脚價稍爲增加庶難易分而人力  
知所鼓舞也至於應支水脚卽動支糧道項下隨  
漕驢脚等銀但轉運脚費不貲糧道隨漕驢脚有  
限其有不足再請撥布政司正項湊給應支食米

徑給本省額徵南漕米石毋庸他議若夫辰船舩  
船如添水手多備絳簞等項先經詳議業蒙本部  
院具

題除辰船每隻量加水手二名舩船每隻量加水手  
一名暨每隻加簞一根與一切篷桅篙槳修船等  
費完日造冊另行呈報請銷外所有僱募脚費動  
用不貲由近及遠酌令比昔合無仰懇本部院援  
例覆

題明白俾轉運按數開銷則動支銀米有所遵奉不  
致慮費悞事而緊急軍需乃可依期速濟矣等因  
具詳到臣該臣看得貴陽新復征師雲集楚糧運  
道艱險脚費需用浩繁查從前運費此經前督臣  
祖澤遠同湖南衡寶各屬脚運銀米區分條列於  
順治拾年題奉

俞允遵行在案維時鎮遠一帶尚屬賊踞遂未議及  
今黔陽已復

王師繼進多兵會集新附之地日食口糧全望楚省  
運濟如自常德以至辰沅水脚業照前例支給毋

庸贅矣、惟自沅州轉運鎮遠、計程六百里、較辰沅之路、地勢愈高、河道愈狹、灘沙突湧、礮石巉岩、人多畏險、僱募十不一前、是以該道詳請前來、乃議由沅至鎮、每石水脚銀五錢五分、食米一斗、視自辰運沅之費、數雖稍增、勞則加倍、勢必分難、易以定多寡、始人知趨向、勇於應募、其所議水脚、亦經

前督

題定、糧道隨漕脚驢等項內動支、如有不足、於藩司正項奏給、應支食米、卽於南漕發給、臣思由常輓

運辰沅、其辰船、船議添水手、與增加緯篋等項、

前臣具

題、已蒙計部覆

允在案、至整換篷桅篙槳修船等費、需用不貲、仍

請動過銀兩、總俟年終彙冊

奏銷、獨轉運鎮遠脚費、當茲軍需孔亟、萬難短少、既經呈詳前來、相應具疏會

題、伏懇

皇上俯允所請、

勅部議覆准其動用庶便遵行支給俾輓運得以速  
濟軍士獲以飽騰矣臣謹會同撫臣張長庚合詞  
具

題仰祈

睿鑒勅部議覆施行

順治拾伍年捌月

日題奉

旨戶部議奏

預計前途疏

題爲預計前途糧餉及蚤接濟以資征行事據布  
政司呈奉臣牌云照得目前

王師進取滇南大兵與隨征各鎮及經標官兵會集  
黔陽兵士數萬日費千鍾值茲新附之民甫離湯  
火難議全徵當此

朝廷廓清大舉未可以沅靖之外隔省岐視念前途  
糧餉勢必取資於楚但糧米自常至辰以至沅州  
雖河狹灘險尤可勉圖輓運其自鎮遠以至貴州

水道不通，必資担負。聞一夫之所運，不過四五斗。若欲轉運數萬之米，卽用數萬人夫，取道苗徭，丁夫難覓，則庚癸之呼，不可不預爲之計也。然必須楚省先解餉銀或十萬五萬兩，解交經畧軍前，聽其就近差官，卽向滇黔採買，以接担運之不繼，乃可無悞軍行，亦可省轉運之苦耳。合亟查議備牌行司，卽便會同糧儲道確議解銀買米，可否補還餉銀，逐一計算詳報，以憑酌奪。及蚤發解等因奉此。隨經移准畧糧儲道楊叅議回稱：滇南進兵，用

銀採買，誠爲主便。但本道暫攝各屬，解到隨漕銀兩無幾，或於何項銀兩暫行動支採買，俟各屬續有起解，相幾移還等因。准此。該左布政使黃志遴看得我師進取滇南，會集黔陽，所需糧餉，自應取資於楚，但自鎮遠以至貴州，水道不通，輓運担負，論費則所耗不貲，論地則州縣初開，亦無人夫可僱。誠不如憲臺所議預解餉銀，就黔採買之爲便也。今該道以各屬解到銀兩無幾，請於餉銀暫行動支，俟各屬續有起解，移還司庫，事屬可行，相應

於庫貯協餉內照部頒法馬兌支銀五萬兩解送  
經畧軍前聽其就近買辦以省轉運之苦仍俟糧  
道將催解隨漕銀兩抵還可也等因又據該司呈  
奉臣牌議動餉銀一千兩解赴鎮遠修建倉廩等  
費據此該臣看得大兵開復黔陽

王師繼進滇南數萬甲兵會集新附之地日食口糧  
爲數不貲在黔之民方出水火未可全問徵輸在  
楚之運路雖險阻莫敢秦越異視由省至常河道  
寬平輓運猶易自常至辰由辰抵沅地勢較高河

路漸狹四時猶可利涉及沅州以抵鎮遠則灘愈  
險水愈急逆輓而上當夏秋之交雨水泛溢小船  
始可撥載霜降之後水涸河乾勢必由陸挑運此  
已難矣再鎮遠以達貴陽悉係山路不通舟楫全  
藉人力擔負一夫所運不過四五斗若轉運數萬  
之米需夫不可勝計且取道苗徭人民鮮少倘一  
僱募不及未免稽遲數萬之衆嗷嗷望哺不能懸  
釜以待雖楚屬之沅州黔屬之鎮遠運有米糧然  
猶鎮遠抵貴陽地方初定尚未設有各官獨經畧

一人料理猶恐夫難僱覓轉運艱難臣所以朝夕  
端揣每切大兵枵腹之虞也聞經畧輔臣業行採  
買以備不足但黔中地窄兵多新附之民惶惑未  
定間遇出糶稱有斗米價至數錢者行間帶銀步  
何倘呼金不應採買之舉不幾難乎臣熟思深慮  
除力行嚴督星夜飛輓外動支布政司餉銀五萬  
兩卽差臣標官陳文燦押解前赴經畧軍前就彼  
隨便採買或可少佐擔運之不繼再鎮遠雖屬黔  
省爲僱夫轉運之所不敢岐視如沅州米到必用

倉房支卸以俟陸續擔負前辰沅二處臣已各動  
餉銀一千五百兩檄令該道府建倉業經題

允在案今鎮遠亦動支餉銀一千兩隨令陳文燦便  
解至彼責成該府官查照修倉仍移偏沅撫臣袁  
廓宇就近速董其成已上買米修倉銀兩皆臣相  
度時地酌量動支總期無悞軍需用資進取計也  
所有動過餉銀五萬一千兩相應請

勅經畧輔臣及貴州撫臣俟買米修倉完日卽就便  
造冊報銷可也至前議糧道隨漕銀兩不必抵還

司餉仍留該道運米水脚之費俟年終  
奏銷時於隨漕輕行等銀內將用過運米水脚數目  
備細造冊

題銷庶幾餉歸餉款米歸米項兩無混淆臣謹具疏  
題

報伏乞

睿鑒施行

順治拾伍年捌月 日題奉

旨戶部議奏

黔省初闢疏

題爲黔省地方初闢開

命赴任仰乞亟賜代

題量撥隨帶官兵用資彈壓事准貴州巡撫趙廷臣  
咨竊照本院原任楚儲值進取滇黔大舉奉調常  
德轉運辰沅鎮遠軍需隨蒙經畧洪閣部會同寧  
南靖寇羅大將軍等爲貴州地方初闢巡撫亟在  
得人等事會疏具

題今接閱邸報該吏部覆奉



俞旨陞本院巡撫貴州。因思黔省初闢。苗民雜處。不比腹裏地方。聞

命之日。介馬馳行。不敢稍緩。但隻身不能就道。因未入境受事。不便繕疏具

題。仰懇貴部院念係邊巖重地。一面亟賜代

題。一面俯將貴部院標營暨撫部提督武昌城守等營經制官兵內。擇其家室有據者。量撥有馬戰兵五十名。精健步兵一百名。千總一員。各帶盔甲器械。隨本院同行。所有缺額原兵。仍乞就近照數招

補。卽以此隨帶之兵。留為黔撫標之兵。壯本院之行色。佐巖疆之彈壓。非渺小也。合就咨移。一面量撥官兵。一面俯賜代

題。等因。准此。該臣看得貴陽僻處天末。苗多民少。當新入版圖之際。招携懷遠。一惟重臣是賴。大將軍羅託。與經畧輔臣洪承疇。熟思遠慮。會疏題

請。該撫以資彈壓。計甚周也。竊廷臣受撫軍之命。爲

朝廷大吏。使單騎而往。從行寥寥。初服之地。苗民觀

新督奏議 卷之五 三  
望無以壯赫濯而懋

王靈。未有不啓輕褻之心。而成叵測之漸者也。臣准來咨。隨卽會商撫臣張長庚。於督撫提三標及城守營抽選。督標撥馬兵十五名。步兵三十名。撫標馬兵十名。步兵二十名。提標馬兵十五名。步兵三十名。城守營馬兵十名。步兵二十名。以上共計馬兵五十名。步兵一百名。皆精壯堪戰者。各帶盔甲器械。遴委城守營千總徐負琦。管領護隨該撫赴黔。卽入黔撫標收用。至臣與撫提城守各營所缺兵丁。另行該將招頂。盔甲器械。俟請軍器銀兩製造。帶去馬匹。於朋椿銀內動支買補。庶邊撫初至。得壯軍威。而新附疑二。永永懾服矣。除兵丁馬匹名數另冊報部外。臣謹合詞代

題伏乞

睿鑒勅部議覆施行

順治拾伍年捌月

日題奉

旨該部議奏

徵兵雲集疏

題爲徵兵雲集軍需爲急請將楚餉隨數措帶以資接濟事准貴州巡撫趙廷臣咨稱竊照本院承乏黔撫深慚非分惟有竭蹶犬馬仰報

皇恩萬一耳但地方初闢百務棘手猶可俟到任日勉力圖維獨是三路大兵已經駐劄黔省而王師業已起行不日可到一切糧餉等項惟本院是供若待任後赴楚請餉不無遲滯合無移請貴部院檄行布政司措備餉銀多則五萬兩少則三萬

兩隨帶赴黔，不惟臨時支應有藉，併可省再差之煩。其用以接濟滿漢官兵，或辦備緊要軍需，統俟完日會同經畧閣部彙冊。

奏銷可也。等因。准此。該臣看得貴州新附，民物凋殘，且地居遐陬，山多田少，今該撫新膺

簡命，值大兵會集，其所

王師繼進滇南，一切軍需備辦，責之該撫。若待任後赴楚請餉，不無往返稽遲。咨臣先期那措，隨帶赴黔，以資接濟，而省差取，亦為兩得之計。臣與撫臣

張長庚會商，於楚司庫給餉銀三萬兩，其銀卽聽該撫就便支用。黔中

奏銷，臣等惟於楚餉內照數開除，誠一轉移間，不惟該撫少免掣肘，而軍需緩急，亦有所通融矣。臣謹合詞具

題伏乞

睿鑒，勅部議覆施行。

順治拾伍年捌月

日題奉

旨，戶部議奏。

融諸休卧羊陽民日既奉

容整悚將結壽賦

朕為子

合屬具

本朝用... 轉發問不...

是則... 三萬兩其...

災出異常疏

題為災出異常之變民有必死之形謹據實

上聞仰厯

宸慮事臣稽往古堯水九年湯旱七載天災流行何

代蔑有然或災祲偶及未有叠經兵燹歷苦旱澇

供輸疲困已極而復罹異常水災如今日之楚民

者也顧楚素號澤國地勢卑下臣前仲夏自荆泛

舟回省目擊荆屬江陵安屬潛景等縣水勢瀰漫

杳無涯際已將滄沒情形具疏入

奏

告其餘武岳漢黃等屬。暨臣前疏未及者。俱經撫按諸臣陸續題報在案。現今檄令各屬。確查分數。彙請蠲豁。間臣於八月初旬。親江漢水勢。愈加澎湃。浸塌城垣。詢諸鄉民耆老。僉稱從來水大。莫如萬曆三十六年。城岸鎮水鐵牛。僅平牛耳。今則過耳及頂。止露寸許。比之更大。實百十年所未見者。臣赴荊州。乘舟而行。所過漢陽川景陵潛江等處。及沔監江陵一帶。處處岸崩。在在隄決。水天一色。川原莫辨。魚遊畝畔。田地悉歸河伯。船過市頭。籬屋盡

隨波逝。佃種之窮黎。哀哀無告。鬼徙遠方。有土之穉老。戀戀難移。蟻叢高埠。宵啼露處。哀號萬狀。歷見裸體跣足。踏泥河畔。菱糝浮沒。競相採取。臣親茲形狀。停泊而問。老者幼者。鳩面鵠形。孱弱而不能前。噎嗚而不能對。環向臣舟。呼號泣血。臣觀其採取之菱糝。親驗不敢凝眸。探其所煮之餽粥。親嘗萬難下咽。嗟嗟水之爲害。慘至於斯。野無青草。穀食難。草食亦難。地無尺土。屋處難。土處亦難。真鄭監之圖。繪不能出。亦賈生之淚。哭不能周者也。

哀我楚民。當寇氛未靖。苦於兵。苦於賊。苦於征師之輓運。力已竭矣。髓已枯矣。卽遇歲時豐稔。尚憂支吾維艱。復遭不造。罹此鞠凶。雖滄沒應徵錢糧。分別分數。自可邀

恩豁免。但目前存活莫保。後此流亡易盡。正供責之何人。財賦取之何地。詩云。其何能淑。載胥及溺。今日之謂矣。受人牛羊。責在牧者。此臣奉職無狀。罪不容辭。除率所屬官吏。亟圖修省外。竊念下臣精誠淺薄。無足格通。

上帝。史稱古之商王。六事自責。立蘇七年大旱。千古之下。以爲美談。我

皇上弔伐之仁。不下成湯。

昊天篤愛之誠。同示譴告。今者

大業丕建。百度維貞。道德齊禮。施政明刑。未盡善與。臣不敢誣也。胥盡善與。臣不敢諛也。竊慮變不虛作。災不易生。伏冀

皇上身居

九重。念垂四海。刑罰或不中。思所省之。財用或有

未舒思所節之。前後左右。或有比暱。思所遠之。遊  
逸宴樂。或有恣淫。思所禁之。罷不急之興作。黜無  
益之崇奉。行將上回

天心。下蘇民命。成湯自責。不獨專美於前。周武豐年。  
立可招致於後。綏萬邦而邁周曆。端在此矣。孤陋  
遠臣。不識忌諱。以憂民者憂。

國。因以責已者望。

君。謹將災民採食菱粃。敬呈

御覽。併陳愚赤仰祈

鑒納施行。

順治拾伍年拾月

日題奉

旨據奏漢景潛沔一帶水災異常窮民無食無居難  
以聊生採取菱粃苦楚不堪深軫朕懷着該督撫  
按督同各地方官速圖多方拯恤務令得所該部  
知道



敬陳管見疏

題爲敬陳管見條陳武職選補之法以杜弊端事  
准兵部咨該兵科右給事中尚九遷題前事等因  
奉

旨兵部議奏欽此該臣等議得科臣尚九遷條陳武  
職選補等事疏內題補留任之流弊宜杜一欵查  
題補留任委易徇情滋弊科臣疏請杜絕誠有所  
見以後除經畧用人及各處水師與蜀閩兩廣滇  
楚地方果有人地相宜之將該督撫議補議留題

請下部臣部查其資俸銜缺功薦酌議應准應駁請  
旨定奪外其直隸山東山西河南陝西江南江西浙  
江等處武職官員俱由臣部推陞其題補題留一  
槩不准以杜情弊至雙月季終之選法宜更一款  
內稱職方司應改爲一月一推陞武選司應改爲  
兩月一補授科臣固爲職業起見但查十年十二  
月臣部覆工科左給事中魏喬介文武原無異視  
等事一疏內議職方司選法應定兩月一選方司  
選後衛守備纔有缺出武選司應三月一選永着

爲例奉有依議之

旨遵行已久不便更張相應仍舊其本省陞轉之成  
例宜破一款查十二年臣部以蜀楚閩廣地方用  
兵正殷故請以本省之將陞補本省員缺數年以  
來官多缺少雖經加銜示勵然邊遠將士不免淹  
滯久苦既經科臣條議前來相應准從以後蜀楚  
閩廣貴州六省將領有俸深勞久者應與腹裡地  
方各官較論俸次功薦一體通融推陞以疏壅滯  
以均勞逸可也等因奉

旨依議欽此。備咨到臣。臣當卽祇遵。備移經畧撫治。偏各臣。併劄行提督一體欽遵。去後。但臣細閱垣。臣疏內。首款一題。補留任之流弊。宜杜也。內稱險。要地方。逼近巨寇。果有志勇兼優之將。該督撫素。知其人地相宜。遇有員缺。題。

請就近補授。遇有陞轉。題。

請加銜留任。原爲封疆起見。其初不過一時權宜。其。究未免法久弊生。近見直隸山東山西江浙等各。處。不問地方緩急。人之長短。輒題補留。如楚進功。

歷任總河。標下十四年餘。猶題留任。明係戀職。再。如寧撫之題。留曲文星。津鎮之移補。劉正朝。晉撫。之題。調于良輔。漕督之題。補司馬興龍。江撫之題。補蘇計官。楚督之題。補閻崑璧。浙督之題。補李宏。德等。非其中軍標員。則其長隨外委。情面一徇。夤。緣百出。鑽營賄賂。無所不至。是。

朝廷干城禦侮之選。竟成鬻恩市金之局。流弊不杜。長此安窮。合無自今以後。除經畧用人。奉有部臣。不得掣肘之。

續督奏請 卷之五  
旨各處水師與四川廣西福建岩疆地方該督撫題  
補題留兵部酌量銜缺俸薦覆議分別應准應駁  
請

旨定奪外其餘各直省俱由部推部陞一槩不許補  
留庶權不致旁落而上下無所施營競矣等語臣  
捧讀之餘深爲驚訝切念臣本一介愚蒙自荷

皇恩簡用夙夜冰兢隕越是懼調任督楚邊險巖疆  
益切閑慎恐貽軍旅羞於去年臘月蒞任之後查  
閱臣標官兵有中營守備王玉璽龍鍾跛躄左營

守備劉國仕黃口孺幼俱不足充辦營務臣慎加  
剔遴另求資格相當者方以劉應鳳閩崑璧題補  
正爲營伍起見荷蒙

俞允今讀垣臣疏內謂督撫鎮題補非中軍標員則  
長隨外委情面夤緣鑽營賄賂鬻恩市金等語中  
及臣題補閩崑璧一事垣臣原疏責及督撫鎮臣  
固多臣謹就臣題補者言之夫劉應鳳以本營千  
總因戰功加以署守備職銜蒙兵部給有劄付臣  
因題補此垣臣未議及彼無容贅矣至於閩崑璧

順治七年內、原任直省督臣張存仁委補千總、屢從兵事、有戰功紀錄、十二年內、部議與年深有功之例相符、准以署守備推用、臣移督楚、咨部請討、部議准帶、非泛泛長隨私人外委者比、以之題補、實因品秩相宜、部案可考、在彼無事鑽營、在臣何恩可鬻耶、如曰夤緣徇情、賄賂市金、臣爲地方大吏、若果貪黷、何取不得、區區末弁、財物幾何、臣雖不肖、斷不屑此、在垣臣所言、必有確見、還問所徇何情、賄賂何物、似宜指實言之、臣歷直省總督有年、尚九遷籍隸山東、臣曾爲其父母公祖、凡所行事、知見必真、曾無一他劣狀、廉而上陳、而忽以無風無影之污、加諸章奏、殊不解其何說也、夫兵垣當知兵政、天下營伍強弱如何、武臣勝任與否、地方孰險孰易、料必瞭若指掌、楚省荆襄、接壤川陝、郝劉諸賊、眈眈窺伺、每借禁旅彈壓、臣雖駐劄武昌、奉

旨、秋夏在荆防禦、邊地最險、人所共知、今臣統領標兵、現駐荊州、去賊五百餘里、昨親赴彝陵、巡視邊

隘去賊僅百餘里而垣臣乃與山東等處腹裡之地共作無事之區何其夢夢耶督撫爲邊疆重吏其賢不肖

朝廷黜陟而進退之垣臣果真見賢不肖無怪其抗章而廷論之若以無根之談徒弄文墨污曠大臣

亂

國是敗臣常隳任事之心將來貽悞所關不小臣爲皇上大吏固不恤及毀譽其垣臣狂瞽亦無足與較論短長然關臣一身之名節猶小而關

國家之體統甚大誠如垣臣所言徇情賄賂鬻恩市金果真而姑容之豈

朝廷之法不能行於督撫歟如督撫題補得宜而垣臣誣加以情面賄賂鬻恩市金不思督撫之簡用

出自

皇上在

皇上自有知人之明豈槩爲濫用歟人臣事

君如事

天也苟且貪圖欺

君負國

天鑒不爽、未必長守富也、長守貴也、臣自筮仕以來、兢兢惟此是矢、臣若含默不言、俾天下後世、必笑大清定鼎之初、督撫大吏、果皆貪黷、不然、垣臣彈摘、何竝緘口結舌、而不敢伸一詞也、伏乞

皇上勅部察閱部案、或將王玉璽劉國仕劉應鳳閻崑璧四員、調取赴部面驗、如玉璽國仕尚堪任用、臣妄以頂補、應鳳崑璧無論有賄無賄、臣亦難辭用人不當之罪、若二弁果實不堪留任、是臣

題補攸宜、則徇情賄賂之有無、不攻自破矣、伏乞

皇上

睿鑒、勅部議覆施行、

順治拾伍年拾月

日題奉

旨兵部察議具奏





督咨報就撫逃兵約計千餘本提督隨與鎮道各官公給銀兩買備袍帽花緞賞給招撫有功官馬如松頭目楊定國李世龍及兵丁等本提督會同鎮道點驗除零星分散不計外現在壯丁六百九十餘名并花名細冊一本賚報到臣該提督亦於十一日帶兵抵省臣閱冊開招徠兵丁與前報多寡懸殊恐有脫漏復行駁查據稱前此逃兵果至數千聚集安化新化兩縣至七月內本提督師臨湘南衆逃兵仰

朝廷不殺恩典如係山陝河北各處遠方之人或願入伍或願歸農則聽候本提督分別給票安插如在楚屬地方有願回籍者則不候給票遂自解散總之人各求生其解散不待給票及先就撫於長沙各處者甚多今來兵丁並無遺漏等情臣於十一月十六日同撫按二臣公備花紅袍帽銀兩齊集提督及司道等官並隨征招撫各官同至臣署傳示頭目楊定國李世龍帶領所撫兵丁前來分別頭領逐一唱名賞給仍面諭入伍歸農悉聽自

便除前提督已給票發回並陸續逃故兵丁外有  
復回籍者一百零三名又查出難民男婦五十  
二名口詢明籍貫俱臣措賞盤費併給印票差巡  
檢施承緒押發各歸原籍實願入伍兵丁五百三  
十五名臣於督撫提三標及城守營隨經酌量分  
撥各標營遇缺補伍其頭目楊定國李世龍二名  
卽歸提督標効用外該臣看得湖南逃兵始以率  
衆猖橫繼而奉  
旨就撫皆賴我

皇上洪恩遐暢示以不殺之所致也如招撫有功叅  
將各官臣自另疏分別

題叙所有現撫楊定國等入伍歸農名目造冊送部  
外臣謹會同撫臣張長庚按臣李贊元合疏具  
題伏乞

勅部查覆施行

順治拾伍年拾壹月

日題奉

旨兵部議奏

古武清縣志

卷之三

陳清查對疏

陳外子

贊示合應具

日造無幾

陳外子

陳外子



